

EW NAMOPUNG

A forata tumunun pingaw non Chuuk, forata napanapen forutaan me kaworen nenien katuruno pii me nimengaw me an tumunun ekkewe neni, awora tipis in taan ei annuk, ataeno Annukun Chuuk No. 23-12, me pwan ren ekkoch popun.

EPWE PUNG MEREN EWE ANEEPWUNGUN CHUUK:

1 Tetten 1. Pingaw. Mei atai annuk an emon aramas, ew
2 neni ika ew kompeni epwe koturuno, oturano, aparasa ika
3 nikiti pi, nimengaw, kapich ika ese nifinifin sakkun pi non
4 ese nifinifin napanapan won ewe anenap, ewe anen chitosa,
5 fonuwen emon ika neset ika non konik nukun chok ewe nenien
6 koturuno pi me kapich ika nimengaw minne a nom fan tumunuwen
7 ewe Muun Chuuk ika ew kewe municipalities ika ew kinikinin.

8 Tetten 2. Awewen Foos. "Pingaw", a wewe ngeni
9 aturano, moneeno, poutano, pungutiw, annomwu, nikitano, ika
10 fori met epwe katuruno, momoneno, poutuno, nomw, me wor ese
11 nifinifin sakkopaten nimengaw me, met mettoch mei ngaw epwe
12 enimengawa me angawano napanapen ew neni ika mettoch, ren
13 ekkei neni ren: a) an muun kewe aan, anenap, anakukkun, me
14 sakkun anen aramas, chonupupu me aura ika konik, saraata,
15 anuk, ika saat; me b) fonuwen aramas nge ese wor mumutan me
16 ren soufonu ika ekkewe ra nikinikitiw won ekkewe fonu.
17 Pingaw a pwan wewe ngeni mak-e-fetan ese mumuta, chungu,
18 peiniti, me erifetaneei ika nipwokupwokfetan won etiip, ira
19 ika imw, sein neset, sein neman, ika boat.

20 Tetten 3. Pisnis. Ew me ew kewe nenien pisnis epwe
21 awora kewe nenien kapich, minne epwe isoni met kewe nimengaw
22 ika pi mei wor seni angangen ewe pisnis. Ew me ew ekkewe
23 nenien pisnis epwe mesemes won koturunoon pi me kapich iwe
24 epwe tumunu ewe neni an epwe nimoch me koteoch iteiten
25 fansoun meinisin.

1 Tetten 4. Nenien Koturunoon Kapich. Ewe Environmental
 2 Protection Agency epwe forata me tumunu ew ika fitu nenien
 3 koturunoon kapich epwe mumuta meren ewe muun Chuuk an epwe
 4 eneniaochu met kewe nimengawen me kapichin Chuuk. Ena
 5 nenien kapich epwe kawor murin an epwe wes ew kaeo seni ewe
 6 pekin EPA, ewe epwe puarata pwe ewe nenien kapich esap
 7 efeingawa nesetin me fonuwen non Chuuk me murin an wor
 8 arongorong won met efeingawen ewe nenien koturunoon kapich.

9 Tetten 5. Niwinin Tipis.

10 1. Ion aramas, neni ika kompeni a atai
 11 Tetten 1 me non ei annuk epwe tipis, ren tipis kukkun,
 12 iwe nupwen a tipis epwe pakking (\$50.00), iwe nge ika
 13 pwe a pwan atai ei annuk me murin, iwe epwe pakking
 14 esap nap seni nimepuku chana \$500.00; iwe nge ika pwe
 15 a pwan atai ei Annuk me murin, iwe epwe pakking esap
 16 nap seni nimepuku chana \$500.00.

17 2. Ion aramas, neni ika kompeni a atai Tetten 3
 18 me non ei Annuk epwe tipisin tipis kukkun, iwe ika pwe
 19 a tipis ren, epwe pakking esap nap seni nimepuku chana
 20 \$500.00.

21 3. Ren opochokkunen ei Annuk, ewe chon
 22 opochokkuna a tongeni aea napanap ese nifinifin
 23 pachonong ewe citation system ika ngeni niwin fansoun
 24 foforungaw.

25 Tetten 6. Pwan Ekkoch Niwinin Tipis. Non an epwe atou
 26 niwinin tipis, kopung epwe pwan nennengeni ekkoch niwinin
 27 tipis mei kuna pwe mei och aweve ren eniminim ika met kewe
 28 an muun angang epwe siwinin pakking ussun mei affat me non
 29 Tetten 5 me non ei annuk.

30 Tetten 7. Katanoon. TDL No. 23-12, ewe a weneiti
 31 pingaw lei a katano non unusan.

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30

Tetten 7. Poputan Pochokunan. Ei Namopung epwe
poputa pochokunan 90 ran murin an kopunguno seni ewe Kepina,
ika inet a kopunguno pusin won winikapan.

Annetata:

Datasi Albert, Chief Clerk
Senate
Aneepwungun Chuuk

Sain seni:

Ira E. Akapito, President
Senate
Aneepwungun Chuuk

Pwinin maram:

Dec. 9, 1991

Annetata:

Herter Sqrin, Chief Clerk
Utten Representatives
Aneepwungun Chuuk

Sain seni:

Misande K. Sos, Speaker
Utten Representatives
Aneepwungun Chuuk

Pwinin maram:

12/10/91

A Kopunguno seni:

Sasao H. Gouland
Kepina
Muun Chuuk

Pwinin maram: _____

Uruon: S.B.NO. 1-20;S.D.1